

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Hmasawanna Thar Vol - 32/208

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

27th Hmar Martyrs' Day ursun taka hman a nih



CCPUR: Hmar Martyrs' Trophy Organizing Board (HMARTOB) huohawt-nain May 16, 2017 khun 27th Hmar Martyrs' Day -cum- the 14th State Level Hmar Martyrs' Trophy closing ceremony ursun takin Saikawt playground-ah hman a nih.

Hi huna hin Boxing- a World champion wavi 5 zet lo ni ta le Rajya Sabha MP Pi M.C. Mary Kom khuollienin a thang a, a pasal in a hung zui baw. Pu Letpao Haokip, Minister, IFCD & YAS, Govt. of Manipur Guest of honour, Dr Chaltonlien Amo, MLA Tipaimukh A/C functional President le RIMS, Imphal Director hlui Dr L. Fimate Chief Host in an thang. Hi hun hman a hi ADC/CCPur hnuoia MDCs, hnam tum tuma thuoituhai bakah Kohran thuoitu tam takin an uop bakah Martyrs Football final en ding mipui sangtelin an uop baw.

Hun hmasa tieng Rev Lalhmingthang, PS, EFCI Saikawt Presbytery in t awngtainain hun a hawng a, Chief Host Dr L. Fimate in welcome address hrilin mikhuollien hai lawmlutna a nei a. Kum 3 lai zet khuol-

lien dinga fiel Pi MC Mary Kom ei hlawsam hnunga wavisun a hung thang thei chu lawmum a ti thu hrilin, ram le hnam ta dinga hringna lo inhlant ta hai hrietzingna le chawimawina dinga hiengang hun buotsaia um chu thaw awm hrim a ni thu, sports hai hi inthuroolna le ram hmasawna dinga hmangruo pawimaw tak a nih ti ei hriet seng ring a um a, sports a le Olympics hai hi ram le hnam hmasawna inchikna pakhat a ni a, hiengang sports ei ram hmasawna ding le hnam dang dang hai kara inlaichinna t halem hung intuntu a ni ngei a nuom thu, buoina um loa a tawp thung theia um chu lawmum a ti thu, Manipur sports tieng thiem le inlar tam tak an lo suok ta. Sawrkar tharin hma an lak a, mithar le thathar in hma an lak a, ei inkuo duok duok a, Pi Mary Kom MP a ni a, ei CM hlak national football player hlui le Speaker khawm Karate player hlui a ni baw lein Manipur hi hai ei vangnei hle a, anni inrawina hnuoia sports tieng le infrastructure tieng tuta neka ei hung insang lem ngei beisei a ni thu a hril. Pi Mary Kom chun

mipui hungkhawm hai chibai a buk a, martyrs hai inzana pein pasaltha sung le kuo hai a sunpui thu a puong. Tuta hmaa fienna hai a hung thang thei nawna thuah paw a ti thu; hiengang sports event huohawt umna thuah huohawt hai a lawmpui thu; Hmar community le tlangmi hai lai sports person hlawtling ei la tamnaw lein sports/athletics tiengpang hma nasa lema hma ei lak tul a ti thu, football chau ni lovin thalai hai lai sports tiengpang lut dinga encouragement pek a tul thu; mi thanguina le hrilhmuna thanglo khawm hiengang ka ni thei chun ei thaw ve thei a ni thu, hmatiang pei-ah thawthei a nei ang anga thlawp le thanguin an tiem bakah boxing tiengpang inhnika nei hai a thanguin thei ding thu a hril baw.

Dr Amo chun martyrs hai inzana pein, hringna lo inhlant ta le hringna pek inhuoma hmalatuhai inza an um lai zingin hringna em chan lova ei ram le hnam ta dinga ei thaw daw a, hma ei laktlang a nuom thu, ei ram hi thichil lovin, ei ram ei hnam hi ei damchil ding a nih ti hi ka thupui a ni

rawp hlak a nih. Pathienin talent a mi pek hai hi hrieng ei tiu a, ei ram ei hnam ta dingin theitawpin hma lang ei tiu, Boxing kan hnik a, sienkhawm ka talent a ninaw a, Pi Mary Kom ruok chu a talent a ni lein khawvela champion wavi 5 a lo ni ta a, ei hnam sunga mi ngei a ni na thuah suongum a ti thu a hril baw. Martyrs trophy hi a tha a, lawm a um, sienkhawm a buopui hai in sawl hle ring a um lein state level a ni ta lein Olympics le world cup ei ti hai khawm hi kum 4 dana dam an thaw hlak a, eini khawm hma ei sawn pei chun kum 2/ kum 3 dana dam thaw inla a tha el dim?. National players hai an hung thang phak lawm a um lain a local mi a zatve bek thang thei hlak inla nuomum a ti thu a hril. Pu Letpao Haokip chun martyrs hai inzana a pek a, ama ngei khawm national level football player a lo ni hlak thu, Manipur hi India rama sports powerhouse a ni lein a state-a sports tiengpanga thalaih thei na hi keisuk ngei tumin sawrkarin hma a lak a, hi le inzawm hin sawrkrin Block

>>>sunzawmna page 2-ah

CHANCHIN LAKTAWI

JE Common Service Centre a lak thei

CCPUR: Life Certificate la nuom state pensioner hai ta dingin Joute Enterprise-cum-common Service Centre (CSC) Reng-kai Vengpui-ah lak thei a nih tiin John Joute, VLE CSC Rengkai, CCPur chun inhrietirna a siem. Certificate lakna ding hin pension latu ngei fe a tul bakah Aadhar Card, Mobile, Pension Paybook le Bank Passbook hlaw lakna chawid ding a nih.

Tripper in a chil hlum

CCPUR: May 16, 2017 sun dar 12 vel khan Bung-mual khuo thlanga BRTF Camp bula Tipaimukh Road-ah Tripper Truck pakhatin Jangkholal Man-lun (34), s/o Thonghojam of Gelmol chu a hungtieng kein a chil a, District Hospital, CCPur panpui a ni a, sienkhawm a hliemna tuorzo lovin a thi. Jangkholal Manlun hi lamliena Rul an hmu that dinga Truck-a inthawka inchwamthla, chu taka Truck hin a chil nia hril a nih.

UNICEF official han an hung enfel

CCPUR: May 16, 2017 khan UNICEF a inthawk official team hai chun Dr Tushar Rane, Field Officer, North East State inrawinain District Hospital an hung enfel. UNICEF team hung dang hai chu Dr. Ravichandra, Helath Specialist, NE State le Dr. Mualik, Health Officer, North UNICEF, East State hai an ni a, Ward tum tum an enfel hnungin Imphal tieng an kir nawk.

ATWU le ATML in MoU le kuong an raw



CCPUR: All Tribal Women Union (ATWU), GHQ le All Tribal Movement of Lamka chun thanguolin zani 10:00-a inthawk khan District Hospital Morgue-

ah Special Time with Tribal Martyrs hun an hman. Hi huna hin midang dangin thuhirina hun an hman a, May 10, 2017 nia JACA-ATB le Manipur sawrkarin

pasalthahai dikna iengkhawm hril um lova Memorandum of Understanding (MoU) an ziek an lungawinawzie suklangnain hi huna hin ATML le ATWU han MoU copy an bakah kuong hai khawm an raw.

ATWU President, Nian-glian thuoituhai hmalakna pasaltha hai ruong vuu a ni hnunga khawm Tribal movement fepui pei a In ding thu, Morgue hmuna hun hman a sukhaw! >>>sunzawmna page 2-ah

Official team in CMO an inhmupui

CCPUR: Caritas, India Regional Office, Guwahati a inthawk Official Team chu May 17, 2017 khan CCPur-ah an hung a, 11:00 in CMO Chamber ah Malaria Department thuah Joint Meeting an nei a, CMO, CCPur Dr Kim Simte khawm an inhmupui. Caritas India Regional Office, Guwahati-a inthawk official hai hi Malaria staff hai sinthaw dang enfel dinga hung an ni a, anni hi Suanhau, DPO, Caritas India, Churachandpur in a lo inrawi.



CMO, CCPur an inhmupui huna hin Malaria laka himna ding le inveng dan ding chungthu hai hril-lang le hmalak dan ding hai an hrilthlang. Meeting huna hin Stephen, Director, Regional Office, Guwahati; Suanhau, DPO Churachandpur, Rameshor, Coordinator, Manipur, Akham, IEC Consultant Regional Office, Kanta, Regional Logistic Con-

sultant (Supply & Chain Management), Gopeshor, MIS Officer bakah Dr. Jamthianlal, DMO Churachandpur, Dr. Liankhoh-jam, CMO Pherzawl, Dr. Phirthanngien Buhiril, CMP Pherzawl, Zenggai-hlum, DPM, NHM le S. Thangthianmuan, Consultant, NVBDCP hai an thang.

Thla 3 sunga biometric lakna zo dinga rel : Dr Amo

CCPUR: Tipaimukh A/C MLA Dr Chaltonlien Amo chun May 16, 2017, 9:30AM khan Rengkai Zote Veng-ah a workers hai inlawpui na le bufakpuina a nei a. Hi huna hin Pherzawl district chungthu, PDS chungthu le thil dang dang hai an inrawntlangna an nei.



Hi huna Dr Amo in thu a hrilnaa chun, Manipur Chief Minister in May 8, 2017 khan CM's Conference Hall-ah Manipur Hill district-a MLAs hai po po bakah Chief Secretary, DC

hai, MANITRON thunei-tuhai le RD Minister hai thangin Biometric capturing/AAdhar enrolment hmalakna chungthu hai hrilthlang a ni a. Phairam bielha Biometric hi a tha thawkkhat ta hle a, sienkhawm tlan-

MANIPUR TOURISM
Come Join Us
Celebrate Our State Flower
Shirui Lily Festival 2017
A treat for the adventure and nature lover
May 16-20, 2017
at Shiloi Village & TNL Ground, Ukhrul Headquarters, Manipur

Programmes
TNL GROUND - 3:00 PM TO 5:00 PM

18th May 2017
Thursday

- Traditional Dance
- Road of Progress from 10 to 12:00 PM
- Showcase of various handicrafts & arts
- Showcase of local
- Showcase of local (continued)
- Model House
- Boat Race
- Shooting with Rifle
- Model of Thangal Jangal
- Model of Thangal Jangal (continued)
- Light Show

PROGRAMMES AT PAKSHI GROUND - 5:00 P.M. ONWARDS
16 - 20* MAY 2017 - SHIROCK
20 MAY 2017 - FASHION PARADE

NFSA Radion-ing Agency hun thlakhat la suksei

CCPUR: Churachandpur district sunga kum 2017-18 sunga FPS Agents ding ruotna ding process a fe mek a, zo a la ninaw lein NFSA hnuoia Rationing Agents le 2017-17 S.K.Oil Sub-dealers hai hun chu thlakhat, i.e. April, 2017 chena dinga la keisei a nih tiin R. Sudhan, DC, CCPur chun zanikhan inhrietirna a siem.

Hi le inzawm hin 2016-17 Rationing Agents le S.K. Oil Sub-Dealers hai chu May, 2017 chena Agents le Dealers an nina la sunzawm a, an hmatiang-na NFSA bufai thlakhata mi (April, 2017) man an hmatiangna pelut le Release Order (RO) la dingin DC, CCPur chun an hrietir.

Manipur ah FCI Godown 15 Bawl Ning a tih: Karam Shyam

IMPHAL: Consumer Affairs and Food & Public Distribution minister Mr Karam Shyma chun Bish-napur district le Sawom-bung, Imphal East haia Food Corporation of India (FCI) Godown hai a va kan tawl a. Thil umdan a enfel yawng hnunga chanchin-bumihai kuoma a hril dan chun, PWD sin thaw mek

dana chun a lungawi hle niin a hril a. Minister chun, Manipur state sawrkar chun indai tawka bufai siekhawl zing a ni theina dingin tuta bawla um zing paruk le a thar la bawl ding 9 hai tiemin FCI Godown 15 bawl dingin target a siem niin a hril baw. PWD sinthaw danhai

enin a lungawi thu a hril a. Churachandpur le Chandel district haiah PWD thaw ding additional sin sawrkar thlungpui kuomah a hri ding thu a hril baw. Sinthawtu official, engineer le a dang danghai chu tha tak, taima tak le indik taka sinthaw ding an hrietir tawl a. Sinthawtuhai sukphurna >>>sunzawmna page 2-ah

Football baloon hawng dingin CM in Delhi a pan

IMPHAL: Mission XI Million Programme hnuoia May 18, 2017 a New Delhi hmuna Football Baloon hawngtu dinga ruot a ni angina zanikhan Manipur CM N. Biren Singh chun Imphal suoksanin Delhi a

pan. N. Biren Singh hi National football player lo ni hlak le footballer inlar a ni lein Union sports Minister Vijay Goel in a fienna anga hi Football Baloon hawngtu dinga a fienna anga Delhi

pan a nih. Football Baloon hi Ministry of Youth Affairs & Sports, Government of India in a huohawt a nih. India chun October, 2017 khin Under-17 Football Walrd Cup a hawng ding a nih.

Haryana-ah State Guest House

IMPHAL: Manipur State sawrkar chun Gurgoan, Haryana-ah State Guest House, Nagaland le Shil-long, Meghalaya haiah Yatri Niwas bawl dingin hma a lak mek. Hieng thil hai hi Manipur State mipui state danga inzin hlak hai hmakhuo ngaina bawl tum a nih tiin Manipur Works Minister Th.Biswajit Singh chun zanikhan a hril.

May 22 a inthawk DU-ah counselling

NEW DELHI: Delhi University chun ni 10 sung, May 22-31, 2017 inkar sung academic session thara kai nuom hai ta dingin Conference Centre, Gate No 2, North Campus-ah counselling a huohawt ding niin Registrar, Delhi University chun a hril. Counselling Session nei hun ding hi 10AM-1PM inkar sung a ni ding a nih.

CM in lawmthu a hril

IMPHAL: May 13, 2017 a Manipur hmun hnan hnan haia "Meeyamgi Numit" hlawtling taka hman a nina thuah CM N.Biren Singh chun Deputy CM, Administrative Secretaries, Head of Departments, DCs, SPs, le SDOs/BDOs hai chungah lawmthu a hril. Mipuihai thurawn, rawtna, harsatna, mamaw le thil ngen chi hnan hnan hai bawzui a ni theina dingin CM chun an hmatiangna a kuomah email, or mobile phones hai hmanga intlun dingin an hrietir tawl.

CCPur DCO an hung zawm

CCPUR: Imphal East -a District Co-Operative Officer (DCO) office-a thawk lai Inspectors Kailalngak Suantak le Esther Fimsangkim Suantak han May 15, 2017 khan DCO CCPur Office a thawk dingin sin an hung zawm.

KRA(U) cadre pahni anman

IMPHAL: Senapati Brigade of Red Shield Division a Jwalamukhi Battalion chun May 14, 2017 khan Leimak-hong Bazar-ah KRA(U) cadre pahni Kaminthang (26), s/o Songjalien Hangshing le Limalenal @ Reuben (26), s/o Thangiang hai chu 9mm Pistol 1, magazine 1 le a mu 4 leh an man a. Imphal West Police Station-ah an peklut niin zanita PIB Defence, Imphal thusuk chun a hril.

NO.2/33/2015-DPR(V-11)

LAKTAWI

Gurgaon Police in Rs. 2 lakh pek dingin

GURGAON: Kar hmasa Inrinni zana Gurgaon a inthawk nuhmei kum 26 thuoimhang le Car sunga suollui a, an suollui zo hnunga Najafgarh hmuna motor a inthawka deng-dawk a nina le inzawmin Gurgaon Police chun mi suolluituhai man an ni theina dinga information tha tawp pe theitu hai kuomah lawmman Rs. 2 lakh pek dingin a puong. Nuhmei thuoimhang le suolluituhai hi pasal 3 nia hril an nih. (PTI)

KNP sunga motor tlan hrat taluo hai fine Rs. 5,000 inchawitir ding

NEW DELHI: Assam-a Kaziranga National Park (KNP) sunga speed limit baka hrata motor tlan hai chu Motor Vehicles (MV) Act hnuoiah environment compensation Rs. 5,000 pei fine inchawitir ning an ti tiin National Green Tribunal chun zanikhan a puong. Park director in tukum January thlaa inthawk tuchenah ramsa 4 in an thi pha ta nia a hril le inzawma NGT Chairperson Justice Swatanter Kumar inrawinaa bench in Order hi an suo a nih. (PTI)

G20 Labour minister meet-ah Dattatreya

NEW DELHI: May 18, 2017 a inthawk Germany khawpui Bad Neuenahr hmuna ni 2 sung awding G20 Labour and Employment Ministers' Meet-2017 um dingah Union Minister for Labour and Employment Bandaru Dattatreya chu thangin Indian delegation team inrawi a ti.

G20 meet huna hin lagour, migrants, youth employment le thil dang dang hai hriltlang ning a ta, meeting zo ni zantieng khin Declaration siem a ni ring a nih. (AIR)

Maoist ni dinga ring 16 vel kaphlum

NEW DELHI: May 16, 2017 khan Chhattisgarh-a security forces le Maoist ni dinga ringhla hai an inkaptuo a, inkaptuonaa hin Maoist ni dinga ring 16 vel kap hlum an nih tiin Police thusuok chun a hril. Inkaptuonaa hmuna hi thla hmasaa Naxals han security forces dozen hni lai zet an thatna hmuna baww kha a nih. (AFP)

Nurse pakhat ama le ama an that

NOIDA: Kerala mi Noida hmuna Nurse sinthaw Rimia chu zani hmas khan Sadarpur colony-a a cheng-nainah ama le ama tur injectionin an that tiin sector 39 Police station in-charge Rakesh Kumar Singh chun a hril. Lungril sawna a nei leia hieng thil hi a thaw ni ring a nih.

Cabinet in atomic Reactor 10 a pawmpui

NEW DELHI: Zanita union Cabinet chun India rama nuclear reactors thar 10 siem belda dinga rawna a pawmpui. Hieng nuclear reactors 10 hai hi siemzo a nip ha chun 7000MW power an peksuok thei ding a nih. Pressurised Heavy Water Reactors (PHWRs) hi

Department of Atomic Energy in an siem ding a nih. India chun tuchena hin nuclear power plants 22 haia inthawk power 6780MW a siemsook mek a, kum 2021-22 chenhah tuta Rajasthan, Gujarat le Tamil Nadu haia project fe mek hai zo a ni huna

nuclear power 6700MW siemsook belda naww dinga beisei a nih. Tuta reactor thar 10 siem belda ding hai hi Mahi Banswara (Rajasthan), Chutka (Madhya Pradesh), Kaiga (Karnataka) le Gorakhpur (Haryana) hmuna haia siem ding an nih. (PTI)

Social media ban leiin application thar

NEW DELHI: Jammu and Kashmir-a chun leirawl kum 16 mi Zeyan Safiq le a ruolpa kum 19 mi Zjair Jan hai chun Jammu and Kashmir-a sawrkarin social media websites hai a that rawpna le inzawmin kum 2013 kum thu inhrietpawna ding application thar KashBook an siemsook. Zeyan Shafiq hi tulai hnai ela Class X passed a nih.



Social media sites hai that an ni rawp hlak leia hi thil hi kum 2013 lai daia kha an lo siemsook ta a ni a, tulai hnai social media ban a hung ni naww leia May 2, 2017-a kha an re-launch naww a nih. Hi website KashBook hin Kashmir mipui nasa takin a hip a, tuhin sang chuong hai chun

signed up in an hmang mek taa hril a nih. A website hin Kashmiri tawnga inbiok-pawna ding option khawm a umsa baww a hril a nih. Zeyan hin kum 11 mi chau a ni laiin HTML tags ama khatin an chuk a, a hnungin C++ le Java hai an chuk naww a nih. Zeyan chun, sawrkarin social media access na ding

popo bakah VPNs chen blocked hlak leia mipui hai thu inhrietpawna dinga KashBook hi siem a ni thu le, hi thil hin thalai hai lai chona pea, thil thar an hung hmuok thei pha ding thu a hril. KashBook hi VPNs thang lova thu inhrietpaw theina dinga siem a nih. (TOI)

Khawvela naute chin tak heart surgery thaw

UDAIPUR: Chawlkur 28 (5.5 months) chau nia pieng, grams 470 chau rik le kutpha tiet chaua lien khawvela naute chin tak nia hriet chu a pienga inthawk ni 15 hnungin Udai-pur hmuna heart operation thaw a nih.



Hi naute hi a mit a la mengnaw bakah a chuop khawm lan siemfankim lo, vun mumal khawm la nei lo a ni el khelah a lung (heart) khawm function tha lo a ni leiin kuta taww harsa takel a nih. Naute PDA (patent ductus arteriosus) corrective operation thawa um hai laia chin tak a la nih.

S.P. Jain le a nuhmei hai hi Udaiapur mi an ni a, kum tamtak an innee hnunga khawm nau an nei theinaw leia IVF hmanga nau hi an pai a ni a, naute hi Lower Segment Caesarean Section (LSCS)-an nei a nih. Thuk tiengpang har-satna a nei leiin damdawa

enkaww a ni a, sienkhawm a thathnein naww leia beidawng tawpna dinga operation hi thaw a nih. Operation thawtu hi Geetanjali Medical College & Hospital and Jeevanta Hospital a experts hai an nih.


Bangladesh Court in mi 23 thi dingin

DHAKA: Bangladesh Court chun kum 2002 a ruling Awami League activist 4 thatna le inzawmin opposition Bangladesh Nationalist Party (BNP) leader thangin mi 23 hai chu zanikhan thi dingin thiem-

naw an changtir. Thi dinga thiemnaw inchangtir 23 hai laia 19 hai chu man le Courtin an chungthu a relna huna hin an thang a, midang 4 hai chu man loa la um an nih. (AIR)

tinies 'miracle' baby ti a ko a ni baww a nih. Kum 2016 khan Turkey-a Istanbul khawpua Medicana International Hospital a chun hiengang deua naute pieng, chawlkur 24 chaua upa le grams 489 chaua rik chu surgery thaw a lo nita baww. Chun, kum 2014 khan Mumbai-a Kokilaben Ambani Hospital-a grams 550 chaua rik, chawlkur 27 le ni 6 chaua upa a pieng a, surgery thaw hnungin a damsook.

Prince William-in Royal Marsden Hospital sir



LONDON: Kum 35 liemtaa a nu Lady Diana-in Royal Marsden Hospital, Sutton a va sir ang khan, Britain Prince William chun cancer-a nahai enkawlina hospital Oak Centre for Children and Young People hi Thawlenni khan a va sir ve a, lungril a sukthoin ngaituona a suktaam hle, tiin mita lo hmutuhai chun an hril.

em a. Lady Diana chanchin DVD an lo en zo chara Prince William hung sir hi an ngaituo a, mak an tia vangnei khawm an intih hle. William hin cancer a na naupanghai le mi dang dang a en taww a. Insukhlina ding milim hail eh an insukhlina a, naupanghai khawm inhawi an ti hle. Radio therapy an thawna hmuna le khaww hai, abikin £10 million zet man, Britain-a khawm a hmasatak, MR Linac scanner, radiotherapy treatment le traditional imaging hai thaw kawpa, tumour (cancer natna inbaww/a zung) hai an umna chat chat ah inrang taka hmuok theina inentir a nih a. Hi khaww hin radiotherapy an thawnaa side-effect hai khawm a suktlawm sawt ding niin an hril.

Prince William chun kum 6 nuhmeite Daisy, leukaemia-a na chu a BP en pekina a banhai a tuoi vel a. Sipai ah Nurse lo train met a nih baww leiin a thiem ve khawp el a. Daisy nu le pa Katie le Alistair Wood, Kensington upon Thames a mihai khawm Britain lal-in a hung sir chu an lawm em

Thawngaleivir (Tornado)-in US State Pahn a Nuoi

ELK CITY: Thawlenni zan khan US a state pahn Wisconsin le Oklahoma haia khawpui pahn Chetek le Elk City hai chu thawngaleivir thlipui (Tornado) in a hrut taww a, mi pahn an thi a, tamtak an hliem bakah in le lo, ran le thuoimhawn cheng vaibelsie tel man a suksiet. Mi intang tamtak sansuok dingin sansuoktu pawl han nasatakin sin an thaw zing baww.



Thawngaleivir, thlipui le ruoipui inthuo hi riel (hai storm) artui tiet tiet tamtak a tla bawka, thil tamtak a suksiet teu a nih. US Weather Service hril dan chun, Oklahoma, Kansas, Nebraska, Iowa, Minnesota le Wisconsin haiah thlipui "t hawngaleivir" (Tornado)

hrattak a hung ding thu a hril a. Tamtak an lo inring a, tamtak an inring hman naw a. Hrilaww bakah hin Texas ah khawm Tornado dangin a nuoi, telephone hruihai le thil tamtak a suksiet teu niin a hril. Chetek kaww laia Prairie Lakes Estates laia sungkuo 50 vel um khawm hai chu zantieng dar 5:30pm velin

thawnga-leivir hrattakin a hung nuoi chu an indar vawng a, thuoimhawn le inhai chim rei ruini a thang nei nuoi, "Buoithlak tak a nih" tiin mi sansuoktu hai hotu Fitzgerald chun Leader Telegram a hril. Chetek Mayor Jeff Martin chun ran in le ar vaima hmuhai khawm nasatata suksiet an ni thu a hril.

TMC in 4 le GJM in 3 an lak

KOLKATA: West Bengal-a Municipal council 7 haia inthlangna uma chun Trinamool Congress in municipal 4-ah hratna an chang a, Gorkha Jannukti Morcha (GJM) in Darjeeling thangin civic bodies 3 an lak.

a Pujali municipal seats 16 umah TMC in seats 12, BJP in seat 2 le Congress le Independent in seat 1 ve ve an lak. Mirik seat 9 umah TMC in 6 le GJM in state 3 an lak baww.

Official thusuokin a hril danin, TMC chun Murhid-abad-a Domkal municipality wards 21-ah seats 18 an lak a, Congress in seat 2 le CPI (M) in seat 1 an lak. North Dinajpur district-a Raigunj municipality-a wards 27 umah TMC in seats 24 an lak a, Congress in 2 le BJP in 1 an lak a. South 24 Parganas district-

GJM hin Darjeeling seats 32 umah seats 31 an lak a, TMC in seat 1 chau an lak thung a, Kurseong ah GJM in seats 17 an lak a, TMC in 3 an lak a, Kalimpong seats 23 umah GJM in seats 19 an lak a, TMC in seat 2 an lak. West Bengal-a Municipal Councils 7 haia inthlangna hi May 14, 2017 a nei a nih. (PTI)

EVM thuw Par panel in EC Officials hai a ko

NEW DELHI: Opposition party tum han Election huna EVM hnawla ballot paper system hmang naww dinga Election Commission nasa taka an naww mekna le inzawmin Parliamentary Committee chun senior Election officials hai titipui dingin a ko.

Electoral reforms thua hin Congress leader Anand Sharma inrawinaa Parliamentary Standing Committee on Personnel, Public Grievances, Law and Justice chun May 19, 2017 khin meeting nei an ti. Hi huna hin Election commission-a Dy. Election Commissioner, principal secretary le law ministry-a legislative department secretary hai thang dinga ti an nih. (PTI)

EVM sukdanglam thei a nih tia intumna le inzawmin hin EC chun tuta hma met khan all political party meeting a lo ko ta a nih.

A vavilina dingin Mt. Everest tlangsip a kaitlung



ITANAGAR: Arunachal Pradesh-a Bomdila mi Anshu Jamsenpu chun a vavilina dingin May 16, 2017 khan khawvela tlang insang tak Mount Everest tlangsip hlawtling taka kaitlungin record thar a siem. Ms. Anshu hi khawvela nuhmei hai laia Mt. Everest tlangsip vavili zet kaitlung umsun a la nih. Anshu hi nau pahni (leirawl veve) nei tah a ni a, Furi Sherpa le Mt. Everest tlangship hi kai

tlung an nih tiin Dream Himalaya Adventure Director Dawaa S Lama chun chun a hril.

Ms Anshu hin May 2011 khin Mount Everest tlangsip vawihni a lo kaitlung a, May 18, 2013 khan a lo kaitlung baww a nih. May 16, 2017 9AM char khan Everest tlangsip hi kaitlungin tlangsip-ah Indian National Flag a keiphar a nih. (AIR)

tlung an nih tiin Dream Himalaya Adventure Director Dawaa S Lama chun chun a hril.

Jalalabad TV station beinaah mi 10 an thi

KABUL: Afghanistan-a Jalalabad hmuna state television building chu zanikhan helpawl han an bei a, security forces hai le inkaptuonaa helpawl 6 thangin mi 10 in thina an tuok bakah midang 18 in hliemna an tuok. Thina tuok hai laia 4 danghai chu TV station-a thawktu an nih.

Mr Tripathi hi sin thaw ding thenkhat nei leia Uttar Pradesh-a insin le Govt. Guest House

SIELMAT CHRISTIAN HOSPITAL & RESEARCH CENTRE. Dr K. Romen Singh (Eye Specialist) DNB (Ophth) MNAMS Fellow in Retina and Vitreous Surgeries pan num hai chun Date 18th May, 2017 zing dar 10 AM in Sielmat Christian Hospital-ah in en/pan thei ning a tih. Mit (eye) tienga harsatna nei hai le Zunthlum leia Mit harsatna nei hai ta ding khawmin pan thei ning a tih. Operation tul hai khawm thaw thei ngal ning a tih. Registration Fee Rs. 300/- ning a ta, ticket booking khawm thaw thei ning a tih. Contact : 919862853047

PIGROW Tablet. VAWK INTHANGNA DAMDAWI. I vaww zawr hun tingna dingin kum khat nek tam ngahk ngai tanaw nih. A THATNA: * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih. * PIGROW mum hin, i vaww chu i pek tana inthawk chawl der loin an thang tir thei. A PEK DAN DING: * Vaww pakthataa nikhataa mum 20 (zingtieng num 10 le zantieng mum 10) pek ding. * Box khat ah mum 600 a um a, chu chu thlakhat sunga a fakzo ding a nih. * Rawt phita pek in fak awlsam an ti lem. INCHAWK THEINAHAI: 1. Hmingi 2. L.K. Screen Printing Bethel, CCPur Lighthouse Lane, CCPur # 8414852391 3. Pet Care Centre, Tiddim Rd. CCPur. Order tam dan dungziin HOME DELIVERY khawm kan thaw thei.

LAWMTHU HRILNA. Hun iemanichena inthawk ta khan Pile natna ka nei a. Sawt tak tak inhnawmmain hun ka hmang a, a chang changin thisen a suok a, ka taww a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4:30PM inkar sun-gin Centre Road (Oop. ICI Church, ICI Road) Hiang-tam Lamka, CCPur-ah pan thei le Mobile Phone Nos. 8014025567/ 7628890261 haiah biekrunt thei a nih. Lawmthu hriltu, Sd/-Goulalthuum Simveng

Karnataka IAS Officer a thisaa hmu. LUCKNOW: Karnataka-a IAS Officer Anuraq Tripathi (35) chu zani zingkar khan Lucknow-a Hazratganj police station huopsunga guest house tuolasa a thisaa hmu a nih. Tripathi hi Bahraich district mi a niin Bengaluru-a Food and Civil Supplies Commissioner snthawa um a nih. A thi nasan hriet a la ninaw a, post-mortem result ngahk mek a nih. Mr Tripathi hi sin thaw ding thenkhat nei leia Uttar Pradesh-a insin le Govt. Guest House Room No. 19 a inngat a nih. A tlungna room hi Lucknow Development Authority Vice-Chairman le Tripathi batchmate PN Singh hai hminga booked a nih. PN Singh le Tripathi hai hi 2007 a IAS a lut ve ve an ni a, Singh hi zingkar 6AM khan Gomtinagar stadium-a badminton inkhel dingin a fe a, Tripathi hi zingkar walking a fe, a tlungna room a inthawk metres 300 vela hlaa tu thlu nia hril a ni a, lampuia ke a fe han an hmu a nih. (ENS)

Japanese Princess Mako'n Pasal Naran Nei Ding. TOKYO: Hmanginaa chu a mit an del a, milien milal, hausa rethei, a lien a chin a thlierhrang naww a, lal bang insangtak le tuiptui ral lien tak khawm a kai thei a, mani nina po ko khawm an hlip thla ngam ti angin, Japanese Princess Mako khawmin a hmangitak Kei Momoru, mi nanran, lal thisen kai ni lo chu nei dingin thutlukna a siemfel (inhuolpui) tah. Emperor Akihito tunu upatak Princess Mako (25) chun, ama ang thova International Christian University pakthata graduate Kei Komuro (25) chu pasal ah nei a tum, ti thu media haia inthawka hriet a nih a. Komuro leh an inhuol tah, ti a nih. Hi thu le inzawm hin Komuro chu a sinthawna Tokyo Law Office ah thudik a ni le ni naw indawn a nih a. "A hun takah iengkim hrie el in thit" ti chauvin a dawn a. Japan lal sungkuo thupesawngtu Imperial Household Agency chun iengkhawm official-in a la puong nuom naww. Japan lal sungkuo hi hun iemanichena inthawkin a thla hnuii tiel tiel a. Emperor Akihito, kum 83 a tling tah leiin lal sin khawm tha takin a thaw zo ta naww

TUOLSUNG Tlangram Lo Neidanhai enthat a tul: Mr V. Hangkhanlian

CCPUR: Minister, Agriculture & Animal Husbandry le Churachandpur minister ni baw Mr V. Hangkhanlian chun, tlangrama ei lo nei danhai khawm thlai tam lem inthar theina ding le double cropping farming thaw theina ding chun ei enthat ei siemthar a tul a nih tiin a hril.



hingnun sukchangkang hi a thiltum chu a nih tiin a hril. Hitaka ding hin a department chun kawng iengkima hma sawn thei dinga hma a lak a pawimaw thua hril baw.

Katy Perry, American Idol Judge Ding

LOS ANGELES: American hlasakthiem senior le inlar Katy Perry chu hun iemani chen chawl hnunga ABC TV in tan nawk a tum, "American Idol" Judge palihai laia pakhata thang dingin thutlukna a siemfel tah niin a hril.



hai hne em emtu Grammy award nominee Katy Perry ti lo chu American Idol judge ding mi dang puong an la ni nawh a. American Idol leia hlasakthiem puiting tah le inlar chu Kelly Clarkson, Jennifer Hudson le Adam Lambert hai an nih.

70th Cannes Film Festival Tan A Nih

CANNES: Khawvel rambung hran hrana film hai inpholangna, inelna le lawmpuina le insang tak Cannes Film Festival 2017, kum 70-na chu Nilaini zan a inthawkin France rama tuipui kam khawpui inhawi em em Nice khawpui Cannes ah tan a nih.

Actress, model, director, producer etc an tung tuk tuk tah a. Anni lai model la nunghak tak tak Emily Ratajkowski, Bella Hadid le a dang dang khawm an thang tawl a. Film star senior tak tak Will Smith, Nicole Kidman, etc hai an thang baw a.

- LES FANTÔMES D'ISMAËL (ISMAËL'S GHOSTS) (Opening Film - Out of Competition) Amaud DESPLECHIN AUS DEM NICHTS (IN THE FADE) Fatih AKIN THE MEYEROWITZ STORIES (NEW AND SELECTED) Noah BAUMBACH OKJA BONG Joon-ho 120 BATTEMENTS PAR MINUTE (120 BEATS PER MINUTE) Robin CAMPILLO THE BEGUILLED Sofia COPPOLA RODIN Jacques DOILLON HAPPY END Michael HANEKE WONDERSTRUCK Todd HAYNES

Annual Classification Range Firing



Range Firing 2016-2017 an nei tan a, May 19, 2017 chen sunzawm an tih. Firing a hin district Civil Police Male, Women Police le VDF han SLR, Insas, AK 47 Rifle, MP-5 Rifle, Pistol le Point 303 Rifle hai kap an ta, Police Constable le Head Constable han SLR, Insas, AK 47 Rifle, SP CCPur thangin Rank officer han Pistol le VDF han Point 303 Rifle kap an tih.

Bella Hadid Jacket, Rs.3.35 Lakh Man

NICE: Khawvela film tha le ropuihai inelna le inpholangna insangtak Cannes Film Festival 2017 chu a kum 70-na a nih baw lein a pawimaw a. Actor le actress bakah model thar le senior tamtak khawmin an company hai leh remchang zawngin an pan sup a Supermodel Bella Hadid khawm Red Carpet session ah nal taka inpholangning Nilaini khan Nice airport a vuong lut ve tah.



Red Carpet an hung hraw laia anni ruoitui company le company dang dang han an thuumnawhai pholangna

FIFA U-17 WC a dingin France

New Delhi: October 6-28, 2017 inkar sunga India ram khawpui 6 haia FIFA Under-17 World Cup um dingah France chun Croatia hmuna UEFA U-17 European Championship ah Hungary 1-0 a hnein a qualify ve tah. Franch hi Europe khawmuolpuia inthawk qualified teams 5 na le a tawpna tak an nih.

May 31 in World No Tobacco Day

CCPUR: Hungtlung ding May 31, 2017, 11AM a inthawk khin District Health Society, NHM, CCPur huoihawtain MS Conference Hall, District Hospital-ah Tobacco Cessation Centre, CCPur cum World No Tobacco Day hmang ning a tih.

FC Pune City le Chanmari FC

Pune: Indian Super League team FC Pune City chun Chanmari Football Club, Aizawl le thawtlang dingin remtina an nei niin FC Pune City chun a puong. Hi dungzui hin training, scouting project, youth development le a dang dang haiah thawtlang an tih.

French Open inkhel theilo ding Sharapova

Maria Sharapova chun Wimbledon qualifying inkhel tan thei dingin a ngirhun siemfel tah-in, thla 15 sung hremna tuok hnungin hung kir nawkin thawtan zan khan Italian Open first round-ah hratna a chang nhal a.



Kum 30-a upa Sharapova hi wildcard pek a ni lein Rome-ah hin an lang ve thei a, a match hmasatak-ah Christina McHale chu 6-4, 6-2in a hneban a nih.

Tennis inelna ngaihlu bika um Grand Slam-ah hin qualifying inkhel ding khawmin top 200 kai a ngai a, main drawa inlang ding lem chun top 100 kai a ngai a nih. Hiengang ngirhun hluo phaklo, player ditsak bik hai ta dingin wildcard hi pek an ni hlak baw a nih.

14th Hmar Martyrs' Trophy:

Sielmat Youth Club chun FAST-A hnein a vawihnina dingin Cup an lak

State Level Hmar Martyrs' Trophy Final inkhelna chu May 16 khan Saikawt khelmuolah zo a lo ni tah. Nikuma Champion Sielmat Youth Clubchun Friendship Athletic Sports Team (FAST-A), Rengkai 2-0 a hnein hi Cup inhnan um tak hi an lak a, lawmanin sumfai ₹ 1,00,000 le Trophy an lak. Pahnina FAST-A haiin lawmman ₹50,000 an dawng baw.

State Level Hmar Martyrs' Trophy Closing Ceremony




hung thun nawk ta a, FAST-A tiengin goal an thun naw lein Sielmat YC chun hratna an chang ta a nih. Hi goal pahni thuntu Thangtinlen Haokip hi kum 2014, 2015 haia khawm kun Martyrs' Trophy Top Scorer a lo ni ta hlak a nih.



Joshua le Klitschko inhnek nawk ding

Anthony Joshua le Wladimir Klitschko-hai chu October thla khin Cardiff khawpui inhnek nawk dingin an dawng mek. Heavyweight boxer pahni hai hi thla hmasak lai el khan Wembley-ah IBF le WBA kawngghren inchu-in, entu mipui 90,000 hai hma-ah inhnekin Joshua-in hratna a chang a nih.



Tuta buoina um chu British boxer Joshua hi IBF champion a ni sa baw a, hi le inzawm hin IBF chun Joshua hin a kawngghren a humhinna dingin inhnek a hmasoon nawk ding hmasataka Kubrat Pulev chu a hmasoon phawt a ngai ding thu a hril.

ENGLISH PREMIER LEAGUE:

Arsenal chun relegate sa Sunderland an hne a, Manchester City khawma West Brom an hne baw

Thawleni zan English Premier League inkhel pahni a um a, Top 4 tung ngei tum Arsenal chun division inhuoi tienga tla fel tah Sunderland an lo mi khuol a. Goal hni faian an lo hne. Half chenah goal a lut naw a, hun tawp hnei tieng Arsenal ta dingin Alexis Sanchez chun goal pahnihai hi a thun a nih.

FC Ridil in a lawmpui

Saikot Playground, CCPur hmuna The 13th & 14th Manipur State Level-Hmar Martyrs' Trophy Football (2016 & '17) a zawna Champion Team nina Sielmat Youth Club (SYC) in an lak chu FC Ridil in a lawmpui thu a puong a.

Chun, hieng ang huoihawttu Organising Board, Hmar Martyrs' Trophy Organising Board (HMARTOB) chung ah FC Ridil chun lawmthu a hril baw. Anni hai zarin football tienga talent nei thra tak hai hma a eng pha hle-in a' nlang a, FC Ridil chun lawmthu a ti tak zet baw a nih.

goal thuntuhai chu Gabriel Jesus (27'), Kevin de Bruyne(29') le Yaya Toure(57') hai an nih a. West Brom ta dingin minute 87 naah Hal Robson chun consolation goal pakhat a thun baw. Manchester City hin inkhel an thunun hne hle a, ball possession khawm 71% tawp an nei phak a nih.